



## Universitätsbibliothek Paderborn

**Theologia Moralis Universa, Complectens Omnia Morum  
Præcepta, Et Principia Decisionis Omnium Conscientiæ  
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus  
Theologicis, de Religione, & Beneficiis. Adjunctis in hac editione  
Propositionibus ad hanc usque proscriptis

**Antoine, Paul-Gabriel**

**Ingolstadii, 1734**

**VD18 90392140**

Q. 9. Quid est Apostasia à Fide.

**urn:nbn:de:hbz:466:1-40986**

*ex communi* datur parvitas materiæ excusans à mortali in tempore, quo retinetur liber prohibitus, nisi retineatur animo retinendi diutiùs.

3. Prohibito Libro censetur quælibet illius pars prohiberi, quamvis nullum forte errorem contineat; præsertim cùm prohibitio fiat etiam in poenam, & detestacionem erroris Hæreticorum.

4. Peccat, & contrahit Censuram, qui licet ipse non legat, tamen curat alium legere, ut ipse audiat: nam moraliter censetur ipse legere per alterius ministerium.

*Quod enim quis facit per alium, est perinde, ac si faciat per seipsum.* Reg. 72. Juris in 6. Neque ad strictam verborum interpretationem confugiendum est, cùm de mente Legislatoris rationabiliter dubiari nequit. *Ita Azor, Layman, &c.*

5. Non licet Bibliopolæ Libros prohibitos emere, & vendere: quia per hoc moraliter disseminaret errores, & esset multis occasio peccandi. Et quamvis deceptus sit emendo, non ideo licet revendere, sicut qui accepit falsam monetam, non ei licet eam tradere alteri pro mercibus. Sed istud damnum casui attribuat: nam est merx substantialiter vitiosa, & prohibita.

Q. 9. *Quid est Apostasia à Fide?*

Resp. Est totalis defectio, seu recessus à Fide

Fide Christiana per Baptismum suscepta. Iisdem omnino poenit, quibus Hæresis, subjicitur; nam est verè Hæresis, cùm discedatur à fide suscepta: quòd autem discedatur totaliter, est augmentum quoddam in eadem specie.

Præter illam triplex est alia Apostasia, nempe ab Obedientia, ab Ordine Clericali, & à statu Religionis. Apostasia ab obedientia, si latè sumatur, reperitur in omni peccato mortali: si strictè, consistit in eo, quod quis justis præceptis Superiorum suorum se opponat, & obedire recusat. Apostasia ab Ordine consistit in eo, quod quis sacro Ordine initiatus deserit habitum Clericalem, ut more Laici vivat. Apostasia à Religione est recessus à statu Religioso ad statum vitæ Sæcularis, dimisso jhabitu Religionis, vel cum animo non redendi.

## PARS SECUNDA.

### *De Spe.*

Q. I. *Quid est Spes?*

Resp. **Q** Spes actualis est fiducia certa obtinendi beatitudinem æternam per media à Deo statuta: sive est actus, quo optamus, & certò expectamus à Deo per merita Christi beatitudinem

B b 3

æter-